

## BANTUAN KOMPUTER RIBA UNTUK PELAJAR GEOLOGI UNIVERSITI AWAM MALAYSIA

*Dr. Wani Sofia Udin*

Dengan pandemik yang melanda negara, Geological Society of Malaysia (GSM) mendapati terdapat pelajar yang terjejas ekoran arahan pembelajaran secara atas talian. Pihak GSM memutuskan untuk membantu 10 pelajar yang terjejas dengan memberi bantuan komputer riba kepada pelajar dari kalangan keluarga kategori B40.

Oleh itu, unit promosi GSM telah menjalankan survei pada 19 Februari 2021 untuk melihat keadaan para pelajar yang terjejas. Survei telah dijalankan dengan bantuan wakil Kelab Geologi universiti. Pihak Fakulti telah menerima keputusan pemilihan bagi penerima bantuan komputer riba yang telah dijalankan oleh pihak promosi (GSM) yang lalu, khas kepada pelajar geologi universiti awam Malaysia. Lima orang pelajar yang terpilih merupakan pelajar dari program Geosains, Fakulti Sains Bumi, Universiti Malaysia Kelantan. Bantuan ini bukan hanya dapat meringankan bebanan pelajar yang berada dalam kalangan keluarga kategori B40 tetapi sekaligus membantu pelajar semasa pembelajaran dalam situasi pandemik COVID-19 ini. Penyerahan dibuat kepada wakil pelajar oleh penyumbang bersama komputer riba, En. Ahmad Nizam Hassan, pengarah Geosolution Resources Sdn Bhd pada 24 Mac 2021 bertempat di Gua Musang.



